



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԵՎ
ԳԵՐԱՇՆՈՐՀ Տ. ՏԻՐԱՅՐ ԱՐՔԵՊԻՍԿՈՊՈՍ ՄԱՐՏԻԿՅԱՆԻ
ՄԻՋԵՎ ՓՈԽԱՆԱԿՎԱԾ ՀԵՌԱԳՐԵՐ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին

Բուխարեստի Հայ Մշակութային Տան մեջ թեմական թանգարանի և գրադարանի պաշտոնական բացման առթիվ, որ տեղի է ունենալու կիրակի, 24 մայիսին, խնդրում ենք շնորհել մեզ Ձեր հայրապետական օրհնությունը:

Որդիական սիրով՝

ՏԻՐԱՅՐ ԱՐՔԵՊԻՍԿՈՊՈՍ ՄԱՐՏԻԿՅԱՆ

Բուխարեստ,
7 մայիս 1987 թ.

ՏԻՐԱՅՐ ԱՐՔԵՊԻՍԿՈՊՈՍ ՄԱՐՏԻԿՅԱՆԻՆ

Բուխարեստ

Ուրախ սրտով կողջունենք բացումը տիրախմամ թեմիդ թանգարանի և գրադարանի մայրաքաղաքիդ հայ մշակույթի շենքում:

Սուրբ Էջմիածնից հղում ենք Մեր օրհնությունը Ձեր այս աստվածահաճո իրագործումին, մաղթելով, որ Բուխարեստի հայ մշակույթի Տունը այսպիսով դառնա հայկական հոգևոր և գրական բազմադարյան արժեքների մի գանձատուն Ձերդ Սրբազնության ու Թեմական Խորհրդիդ հովանու ներքո: Մաղթում ենք Ձեզ, սիրելի Սրբազան և Ձեր գործակիցներին, աշխատելու խնայառ շինարար եռանդ, նորանոր պայծառ իրագործումներով: Այս երջանիկ առիթով առաքում ենք Մեր հայրական օրհնությունը ման Մեզ շատ հարազատ՝ Ռումանիո լուսառատ հայրենիքի հայ հավատացյալ Մեր զավակներին հալցելով բոլորի համար Սուրբ Հոգվո շնորհները:

ՎԱԶԳԵՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
11 մայիս 1987 թ.

ՎԱԶԳԵՆ Ա. ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ

Ս. Էջմիածին

Խորապես տպավորված Բուխարեստի հայոց արքեպիսկոպոսարանում քացված եկեղեցական արժեքավոր հավաքածուից և Զերդ Սրբության հե-
ռագրից, այսու նորոգում ենք Մեր եղբայրական սիրո զգացումները Զերդ
Սրբության հանդեպ:

ԹԵՈԿՏԻՍ

ՊԱՏՐԻԱՐԻ ՌՈՒՄԻՆ ՕՐԹՈԴՈՔՍ ԵԿԵՂԵՑՈՒ

Բուխարեստ,

4 հունիս 1987 թ.

